



Optužnica protiv švercera skanka

U akciji Nasljednik uhapšeni su Stjepan Braco Lazarević, Bojan Segić Debeli i Vlastimir Tomić Šuker Šuca

Tužilaštvo BiH podiglo je optužnicu protiv Stjepana Brace Lazarevića (1953) sa Pala (oca ubijenog Miroslava Lazarevića), Bojana Segića, zvanog Debeli (1977) iz Prnjavora i Vlastimira Tomića, zvanog Šuker Šuca (1960) iz Valjeva, državljanina Srbije, uhapšenih u međunarodnoj akciji Nasljednik, koji se terete da su kao članovi organizovane grupe učestvovali u krijumčarenju veće količine marihuane (skanka).

Nasljednik

Optuženi se terete da su od marta do maja 2018. učestvovali u međunarodnoj kupoprodaji, prenosu, prevozu, držanju, posredovanju u daljoj međunarodnoj prodaji, slanju i isporuci skanka, koji su nabavljali s područja Albanije, te drogu distribuirali na područje BiH, Hrvatske i Austrije, gdje kilogram na ilegalnom narkotržištu dostiže cijenu od 3.000 eura.

U optužnici je navedeno da je nakon nabavljanja droge optuženi Lazarević skank držao i skladištio, dok je optuženi Tomić pronalazio kupce droge i nudio je na prodaju, a optuženi Segić prodavao i isporučivao krajnjim kupcima.

U akciji Nasljednik, izvedenoj u maju na pet lokacija, pretreseni su vozila i kuće koje koriste osumnjičeni i to na području Istočnog Sarajeva, Pala, Banje Luke i Prnjavora i oduzeto je oko osam kilograma marihuane, škoda fabia, digitalna vaga, 20 metaka, dvije male kašike sa tragovima nepoznate materije, oko kilogram nepoznate praškaste materije, mobiteli, laptop, centralna računarska jedinica, skener, štampač, SIM kartice, nosači SIM kartica, pečati pravnih lica, poslovna dokumentacija, bankovne kartice, fakture, lični dokumenti, interne evidencije, bilješke i drugo.

Prilikom pretresa porodične kuće optuženog Segića pronađeno je 45 kilograma folijarnog đubriva - agrostemina, čija tržišna vrijednost iznosi 32.857,94 KM, koje je prokrijumčare-

no bez potrebnih propisanih dozvola i carinske kontrole sa teritorije Srbije na područje BiH čamcem preko rijeke Drine. Đubrivo je prenio Tomić, a po prethodnom dogovoru sa Segićem.

Prema navodima optužnice, njih trojica su u tri navrata na području BiH za ugovorene novčane iznose dogovarali otkupe i isporuke marihuane - skanka u količini od oko 15 kilograma. U dva navrata optuženi su drogu prodali prikrivenim istražiocima SIPA u operacijama simuliranog otkupa.

Drugi pretres

U drugom pretresu stambenih i poslovnih objekata koje koristi Stjepan Lazarević koji je izveden u junu, za-

plijenjeno je više od sedam kilograma marihuane, tačnije 7.835 grama marihuane, kao i dva elektronska sklopa za putnička motorna vozila.

Optužnica je prosljeđena na potvrđivanje Sudu BiH, saopćeno je iz Tužilaštva BiH. **DRAGAN PAVLOVIĆ** Njih trojica su

u tri navrata za ugovorene novčane iznose dogovarali otkupe i isporuke skanka u količini od oko 15 kilograma

